

# 阿毘達磨大毘婆沙論卷第九十四

五百大阿羅漢等造  
三藏法師玄奘奉 詔譯

智蘊第三中學支納息第一之二

藍字部分：《發智論卷七》釋論範圍

問：誰於如是四種通行，得幾？捨幾？

答：諸異生位，無得、無捨；此四通行唯無漏故，世第一法-現在前時，得一、或二，未有所捨。

問：此中不依異生作論，唯依聖者？

答：亦有聖者，於四通行，無得、無捨。謂：自性住進、退位中，有得、捨義。

○且進位中：

●若未離欲染-入正性離生：住苦法智忍…乃至道法智時，皆無捨、得一。  
道類智忍時，捨一、得一。

●若已離欲染-依未至定-入正性離生：住苦法智忍…乃至道法智時，亦皆  
無捨、得一。  
道類智忍時，捨一、得二。

●若依上地-入正性離生：住苦法智忍…乃至道法智時，皆無捨、得二。  
道類智忍時，捨二、得二。

●若預流者-趣一來果：諸加行道-五無間道、五解脫道時，皆無捨、得一。  
第六無間道時，捨一、得一。

●若一來者-趣不還果：諸加行道-二無間道、二解脫道時，無捨、得一。  
第九無間道時，捨一、得二。

●若不還者-趣阿羅漢果：

●離初靜慮…乃至無所有處染：諸加行、無間、解脫道時，皆無捨、得二。

●離非想非非想處染：諸加行道、八無間道、八解脫道時，亦皆無捨、得二。

●第九無間道時：捨二、得二。

◎是說離染位。

●若未離欲染-信勝解練根作見至：諸加行道時，無捨、得一。  
無間道時，捨一、得一。

●若已離欲染-信勝解練根作見至：諸加行道時，無捨、得二。  
無間道時，捨二、得二。

●若時解脫阿羅漢練根作不動：諸加行道、八無間道、八解脫道時，皆無  
捨、得二。  
第九無間道時，捨二、得二。

◎是說轉根位。

●若未離欲染聖者：起諸相似、無量、解脫、勝處、遍處，及不淨觀、持息  
念、念住等諸功德時，皆無捨、得一。

●若已離欲染聖者：起無量、解脫、勝處、遍處、不淨觀、持息念、諸念  
住，無礙解、無諍、願、智、邊際定，三三摩地、三重

三摩地、雜修靜慮引發五通，諸加行道、五無間道、三解脫道等時，皆無捨、得二。

●若入滅定想-微細心時，亦無捨、得二；微微心時，無捨、無得。

◎諸如是等，是說修功德位。

●若退位中：

●阿羅漢及已離欲染-有學：退勝根住劣根時，皆捨二、得二。

●未離欲染-有學：退勝根住劣根時，皆捨一、得一。

◎是說退根位。

●若阿羅漢：起色、無色界纏-退時，捨二、得二。

起欲界纏-退時，捨二、得一。

●若不還者：已離色等染，起色界等纏-退時，捨二、無得。

●即不還者：起欲界纏-退時，捨二、得一。

●若一來者：退勝果道時，捨一、無得；退一來果時，捨一、得一。

●若預流者：退勝果道時，捨一、無得。

◎是說退離染位。

退餘功德，義准應知。

如《施設論》說：「有四種補特伽羅。」謂：

①有補特伽羅，現法中遲，身壞後速。

②或有補特伽羅，現法中速，身壞後遲。

③或有補特伽羅，現法中遲，身壞後亦遲。

④或有補特伽羅，現法中速，身壞後亦速。

問：後二可爾，前二云何？聖者轉生，決定不退，亦不轉根。

欲界經生，決定不入色、無色界，如何可說現遲後速？復如何說現速後遲？豈有見至經生，退為信勝解者！

答：彼論不說轉根及退，但說精進及懈怠者。

若現身懈怠，後身精進者～名現法中遲，身壞後速。

若現身精進，後身懈怠者～名現法中速，身壞後遲。

若現身懈怠，後身亦懈怠者～名現法中遲，身壞後亦遲。

若現身精進，後身亦精進者～名現法中速，身壞後亦速。

◎如是名為彼論說意。

如《契經》說：「有四種行：一、不堪忍行。二、堪忍行。三、調伏行。四、寂靜行。」

①云何不堪忍行？謂：不堪忍寒、熱、飢、渴，蚊、蝱、風曝，蛇、蝎惡觸，惡人侵惱、非理語言，身中所生種種苦痛，於此等事不能堪忍，是名不堪忍行。

②云何堪忍行？謂：能堪忍如前所說寒、熱等事，是名堪忍行。

③云何調伏行？謂：根律儀，是名調伏行。

④云何寂靜行？謂：無漏道，是名寂靜行。

問：為四通行攝彼四行，為彼四行攝四通行耶？

答：彼四行攝四通行，非四通行攝彼四行，不攝何等？謂彼前三。

四行攝四通行：一、苦遲通行。二、苦速通行。三、樂遲通行。四、樂速通行。

四通行攝寂靜行

四行	不堪忍行	堪忍行	調伏行	寂靜行
四通行	苦遲通行	苦速通行	樂遲通行	樂速通行
四通斷	苦遲通斷	苦速通斷	樂遲通斷	樂速通斷

如《契經》說：「有四種斷：一、苦遲通斷。二、苦速通斷。三、樂遲通斷。四、樂速通斷。」

此中…

- ①苦遲通斷：苦故、遲故，說名為「劣」。
- ②苦速通斷：但以苦故，說名為「劣」。
- ③樂遲通斷：但以遲故，說名為「劣」。
- ④樂速通斷：不能正顯廣大饒益天人眾者，不廣大故，亦名為「劣」。

世尊通斷，能正顯示廣大饒益天人眾，故獨名為「妙」。

問：為四通行攝四通斷，為四通斷攝四通行耶？

答：展轉相攝，各隨其事。謂：苦遲通斷即苦遲通行…乃至樂速通斷即樂速通行。故隨其事，展轉相攝。

復有說者：四通斷唯無學；四通行通學、無學。

若作是說：四通行攝四通斷，非四通斷攝四通行。不攝何等？謂：有學-四通行。

問：聖道是妙，不應名劣。如《品類足》說：「云何劣法？謂：不善、有覆無記法。」何故《契經》說「四種斷，有名為劣」？

答：劣有二種：一、染污劣。二、減少劣。四種通斷雖非染污劣，而有減少劣。

有作是說：苦遲通斷，是未至定、靜慮中間、三無色定，時解脫聖道攝。

苦速通斷，即是彼地諸聲聞乘，不時解脫聖道攝。

樂遲通斷，是四根本靜慮，時解脫聖道攝。

樂速通斷中，不能正顯廣大饒益天人眾者，即是四根本靜慮、諸聲聞乘、不時解脫聖道攝。

樂速通斷中，能正顯示廣大饒益天人眾者，是佛乘聖道攝。

問：獨覺聖道是何品攝？

有作是說：聲聞品攝。

復有說者：佛品中攝。所以者何？如佛無師，自能覺故。

有餘師說：前三通斷，如前應知。

樂速通斷中，不能正顯廣大饒益天人眾者，是獨覺聖道攝。

樂速通斷中，能正顯示廣大饒益天人眾者，是世尊聖道攝。

問：根本靜慮、聲聞、不時解脫聖道是何品攝？

有作是說：獨覺品攝。

復有說者：佛品所攝。所以者何？彼無漏根，依佛得故。

有作是言：前三通斷是外異生。

樂速通斷中，不能正顯廣大饒益天人眾者，是獨覺聖道攝。

樂速通斷中，能正顯示廣大饒益天人眾者，是世尊聖道攝。

問：聲聞聖道是何品攝？

有作是說：獨覺品攝。

復有說者：佛品所攝。所以者何？彼無漏根，依佛得故。

或有說者：前三通斷，是諸外道。

樂速通斷中，不能正顯廣大饒益天人眾者，是聲聞聖道攝。

樂速通斷中，能正顯示廣大饒益天人眾者，是世尊聖道攝。

問：獨覺聖道是何品攝？

有作是說：聲聞品攝。

復有說者：佛品所攝。所以者何？如佛無師，自能覺故。

評曰：如是諸說，雖各自生弟子覺意，而實義者四種通斷即四通行。

二、四通（苦速通斷、樂速通斷）攝三乘聖道。

然！第四中，不能正顯廣大饒益天人眾者，聲聞、獨覺二聖道攝；能正顯示廣大饒益天人眾者，佛聖道攝。此通二斷，非唯第四。

彼《契經》中，不說此唯是樂速通斷故，在佛身者，皆是妙故。

問：四通行中，世尊依何通行？入正性離生，得果離染-盡漏，獨覺依何通行？聲聞依何通行耶？

答：世尊依樂速通行，入正性離生，得果離染盡漏，云何知然？經為量故。

如《契經》說：「鬘母一時來詣佛所，作如是問：『世尊依何通行？證得阿耨多羅三藐三菩提耶？』」

佛告鬘母：『一切如來應正等覺，皆依樂速通行證得無上正等菩提。』

爾時鬘母便設二難：『世尊往因六年苦行，乃證無上正等菩提，云何言依樂速通行？』

佛言：『愚人！我不因彼六年苦行證大菩提！棄捨彼已，受食乳糜，然後依止樂速通行，證得無上正等菩提。』」

由此故知…

世尊依止樂速通行入見道等，以依第四靜慮入正性離生…乃至得菩提故。

獨出-獨覺，如佛世尊；眾出-獨覺，所依不定，如諸聲聞。

聲聞乘中：

尊者舍利子，依苦速通行，入正性離生，得果離染；依樂速通行，盡漏。所以者何？彼依未至定，入正性離生，得果離染；依第四靜慮，盡漏故。

尊者大目連，依苦速通行，入正性離生，得果離染及盡漏。

所以者何？彼依未至定，入正性離生，得果離染；依無色定，盡漏故。

問：何故舍利子與大目連，俱依未至定入正性離生得果離染，而舍利子依第四靜慮得阿羅漢果，大目連依無色定得阿羅漢果耶？

答：此二尊者，俱是到究竟聲聞故，決定漸次得四沙門果，是故俱依未至定入正性離生。

而尊者舍利子，是毘鉢舍那行故，依第四靜慮得阿羅漢果。尊者大目連，是奢摩他行故，依無色定得阿羅漢果。

問：一切到究竟聲聞，為皆決定漸次得四沙門果不？

答：皆決定漸次得四沙門果，所以者何？一切到究竟聲聞，皆是隨佛轉法輪者。若不漸次得四沙門果，云何於彼入、住、出心，能善解說。

問：能善解說四沙門果入、住、出心，無如佛者，佛豈漸次得四沙門果耶？

答：於此義中，不應難佛。以佛往昔為菩薩時，已能善說四沙門果勝。舍利子住無學位，故不應以聲聞難佛。諸聲聞人非自證處，不能為他自在說故。

有作是說：一切到究竟聲聞，非皆決定漸次得四沙門果。所以者何？若彼在異生位先已離欲染，豈遇佛說法要退已，後方趣預流果耶？

問：若爾！云何能善解說四沙門果？

答：此不應難。如阿難陀是鈍根者，雖住學位，而能善說四沙門果，能令無量百千有情成阿羅漢；況利根者，超越趣，證住無學地，而不能說？

評曰：應作是說：一切到究竟聲聞，皆決定漸次得四沙門果。不能說故，但以法爾故。謂：過殞伽沙數如來應正等覺，所有到究竟聲聞弟子，皆漸次證得四沙門果，是故法爾，不應為難。

如世尊說：「漏盡阿羅漢，成就十無學支。」

此中…

云何十無學支？謂：無學正見…乃至正定，及無學-正解脫、正智。

問：學位，為有正解脫、正智不？若有者，此中何故不說？若無者，《契經》所說，當云何通？如《契經》說：「尊者舍利子慰喻給孤獨長者言：『勿怖！勿怖！無聞異生，成就不信、惡戒、少聞、慳吝、惡慧，邪見、邪思、惟邪勝解、邪解脫、邪智故，怖墮地獄、傍生、鬼界。汝已永斷，不信惡戒…乃至邪解脫、邪智，成就信、戒、聞、捨、慧，正見、正思惟、正勝解、正解脫、正智，故不應怖！』」

答：應作是說：學位亦有正解脫、正智。



問：若爾！此中何故不說？

答：有，有二種：一者、有體。二者、有支。

學位雖有正解脫、正智-體，而**不立**為正解脫、正智支。

問：何故無學位立正解脫、正智為支？學位不立？

答：依**勝**立故。調諸法中，無學法**勝**非學法；補特伽羅中，無學補特伽羅**勝**非學補特伽羅，是故學位，雖有此二，不立為支。

復次，唯無學位-正解脫、正智，勢用**多**故、自性**勝**故、**離**過患故，建立為支。

復次，唯無學位-正解脫、正智，**已斷**一切有根本，故建立為支。

復次，唯無學心，具二解脫：一者、自性。二者、相續。故彼相應**勝**解與智，建立為支。

二解脫心，是非差別，應作四句：

①或有心自性解脫，**非**相續解脫。調：有學-無漏心。

②或有心相續解脫，**非**自性解脫。調：無學-有漏心。

③或有心自性解脫，亦相續解脫。調：無學-無漏心。

④或有心**非**自性解脫，亦**非**相續解脫。調：有學-有漏心及一切異生心。

復次，有學-正解脫、正智，為邪解脫、邪智所覆損故，**不立**為支。

問：有學-正見、正思惟等，亦為邪見、邪思惟等之所覆損，何故立支？

答：有學-正見、正思惟等，**親斷**邪見、邪思惟等，一切煩惱害、煩惱怨，猶如鎧仗，故立為支。

問：有學-正解脫、正智，豈不能害諸煩惱耶？

答：解脫**非**正害諸煩惱，害煩惱已，得解脫故；正智雖**能害**修所斷一切煩惱，而**不能害**見所斷者，故**不立**支。

復次，唯**無學位**，正解脫、正智，無相違法，故立為支；相違法者，謂：邪解脫，邪智。

復次，唯**無學心**，全分解脫，故心相應，**勝解與智建立**為支，非如學心，少分解脫，調見所斷一切煩惱；少分不解脫，調修所斷一切煩惱。

復次，唯無學心，一切解脫、一切離繫，故心相應，**勝解與智建立**為支。一切解脫者，謂：於五部煩惱；一切離繫者，謂：於五部所緣。

復次，唯無學心，解脫一切障、遠離一切障，故心相應，**勝解與智建立**為支。解脫一切障者，謂：於五部障；遠離一切障者，謂：於五部所緣。

復次，唯**無學位**，斷如藤愛、離諸繫縛，故彼二法，建立為支。

復次，唯**無學位**，斷依有頂，煩惱重髻，故彼二法，建立為支。

復次，唯**無學位**，已剪三界煩惱鬚髮，故彼二法，建立為支。

復次，唯**無學位**，解脫圓滿，故彼二法，建立為支。

復次，唯**無學位**，輕安樂勝，非煩惱熱所損害故。

唯**無學位**，受輕安樂，廣大殊勝，所作事業，已成辦故。如王已害一切怨敵，所受快樂廣大殊勝。

唯無學位，已滅一切煩惱，意言牟尼滿故。  
唯無學位，棄捨染污蘊擔，得純淨蘊擔故。  
唯無學位，棄捨熱惱界處，得清涼界處故。  
唯無學位，棄捨不善根所依，得善根所依故。  
唯無學位，棄捨煩惱自體，得清淨自體故。  
唯無學位，是諸世間功德田故。如世尊說：「若有貪等者，如有穢草田，故離貪等田，施者獲大果」  
唯無學位，損害，便獲無間罪故。  
唯無學位，破一切著、斷一切縛、離一切障故。  
唯無學位，遍知四食及四識住，超越九種有情居故。  
唯無學位，功德現行，無雜穢故。謂：唯有妙行，無諸惡行；  
唯有善根，無不善根，由如是等種種因緣。  
唯無學位，正解脫、正智，建立為支。

問：若有學位，有邪解脫及邪智者。《契經》所說，當云何通？如說：

「長者勿怖！勿怖！汝已永斷不信惡戒…乃至邪解脫、邪智耶。」

答：邪解脫、邪智，有二種：一者、能令有情墮三惡趣，即見所斷，彼已永斷。  
二者、不令有情墮三惡趣，即修所斷，彼猶成就。

如《契經》說：「佛告阿難：『舍利子是聰慧苾芻，能為給孤獨長者，善分別四預流支-十種義。』」

問：云何分別四預流支-十種義？

脇尊者曰：於一一預流支，皆以十義分別故。謂：以十義分別親近善士…  
乃至以十義分別法隨法行。

尊者望滿作如是說：以信分別，親近善士；以聞分別，聽聞正法；以正見分別，如理作意；以餘分別，法隨法行。

尊者妙音作如是說：以信、戒分別親近善士；以聞分別聽聞正法；以正見分別如理作意；以餘分別法隨法行。

阿毘達磨諸論師言：以信、戒分別親近善士；以聞及慧分別聽聞正法；以正見分別如理作意；以餘分別法隨法行。

尊者世友作如是說：以信、戒、捨分別親近善士；以聞及慧分別聽聞正法。以正見分別如理作意；以餘分別法隨法行。

大德說曰：尊者舍利子，為給孤獨長者，善分別四預流支及四證淨。

四預流支者→即是分別四預流支。

十種義者→即是分別四證淨。謂：以三事分別四證淨：一、自性故。二、等起故。三、等流故。

自性故者，謂：信與戒。

等起故者，謂：聞、捨、慧、正見、正思惟。由聞、慧故→等起於信；由正思惟→等起於戒；由捨、正見→信、戒增長。

等流故者，謂：正勝解、正解脫及正智。

問：正勝解、正解脫，有何差別？

答：因名正勝解，果名正解脫。

復次，加行時，名正勝解；究竟時，名正解脫。

問：聞慧、正見、正智，有何差別？

答：聞。謂：聞所成慧；思。謂：思所成慧；正見、正智。謂：修所成慧。因名正見，果名正智。

尊者左受作如是說：以十種義分別四預流支，及彼等流果。謂：以信、戒、捨分別親近善士，以聞分別聽聞正法，以正思惟、正勝解分別如理作意，以慧、正見分別法隨法行，以正解脫、正智分別彼等流果。

霧尊者曰：此中以十義為五事分別四證淨：

- 一、自性故。謂：信、戒。二、相似故。謂：捨、正勝解。
- 三、加行故。謂：聞及慧。四、隨順故。謂：正見、正思惟。
- 五、果故。謂：正解脫、正智。

尊者覺天作如是說：此中以十義分別四預流支。謂：以信、戒、捨分別親近善士，以聞及慧分別聽聞正法，以正思惟分別如理作意，以餘分別法隨法行。

問：何故名阿羅漢？

答：應受世間勝供養故，名阿羅漢。謂：世無有清淨命緣，非阿羅漢所應受者。

復次，阿羅者，謂：一切煩惱；漢名能害。用利慧刀害煩惱賊，令無餘故，名阿羅漢。

復次，羅漢名生；阿是無義。以無生故，名阿羅漢。彼於諸界、諸趣、諸生、生死法中，不復生故。

復次，漢名一切惡不善法；言阿羅者，是遠離義。遠離諸惡不善法故，名阿羅漢。

此中…

惡者，謂：不善業。

不善者，謂：一切煩惱，障善法故，說為不善，是違善義。如有頌言：「遠離惡不善，安住勝義中，應受世上供，故名阿羅漢。」

漏盡者，謂：諸漏永盡。

問：順諸漏法，亦得永盡，何故但說彼漏盡耶？

答：彼以漏盡而為上首，應知亦說順漏法盡。

復次，諸漏難斷、難破、難越，非順漏法，故偏說之。

復次，諸漏過失，多勝堅牢，非順漏法，故偏說之。

復次，諸漏自性斷，斷已不成就，與聖道相違，故偏說盡。諸聖道起，正與一切煩惱相違，非有漏善、無覆無記，然！諸聖道斷煩惱時，亦兼斷彼。如明燈起與闇相違，非油炷器，然！破闇時，亦令油盡，炷燋器熱。

問：何故但說漏盡，不說暴流、輓等？

答：三漏在前，攝煩惱盡，是故偏說；暴流、輓等，雖有攝煩惱盡，而不在前。



三結、三不善根雖在前，而攝煩惱不盡，故阿羅漢但說漏盡，非暴流等。

彼成就過去幾？未來幾？現在幾？

答：若依有尋有伺定-初無學智-現在前：過去無、未來十、現在九。

依有尋有伺定-初無學智現在前			
	過去	現在	未來
正見			○
正智		○盡智	○
正解脫		○	○
正思維		○	○
正語		○	○
正業		○	○
正命		○	○
正精進		○	○
正念		○	○
正定		○	○

此中…

•有尋有伺定者→調：未至定及初靜慮

•依者→有說：俱生是依。

復有說者：等無間緣是此依義。

評曰：應作是說：即彼二地，總說為依，初有四種，如前廣說。

此中但依二初作論：一、得果初。調：依彼地，初得阿羅漢果。  
二、轉根初。調：依彼地，時解脫初練根作不動。

•無學智-現在前者→調：盡智。

問：無學者，亦有非學非無學智見現在前，彼亦是無學智見，是諸無學者所起智見故，何故此中不說無學者無學智見現在前耶？

答：應作是說，而不說者，當知此中是有餘說。

復次，此中無學智見即說「無學智見」，非無學者智見，故不應責。

•過去無者→調：如前說二初剎那-現在前時，全無；過去未有一念已生滅故，設已生滅，得果轉根，或退捨故。

•未來十者→調：即初時具修未來，無學十支故。

•現在九者→爾時九支-現在前故，調：除正見。此剎那中，無容起故。

彼滅已-不失。若復依有尋有伺定-無學智-現在前：過去、現在九，未來十。

此中…

•彼者→調：彼九支。

•滅已者→調：無常滅已。

•不失者→調：無三因緣，失彼聖道，如前說。

滅已不失者→調：由三因緣，失無漏道：一、得果故。二、轉根故。三、退捨故。無此三緣，故言不失。

•若復依等者→調：彼第二剎那已去，復依有尋有伺定-盡、無生智，隨一現在前。

問：何故復起此地智耶？

答：念報恩故，由四緣故，如前廣說。

念報彼恩，故復重起。如因鎧仗，伏怨敵已。復數修治，愛重藏護。

復次，由四緣故，復重起彼：一、為現法樂住。二、為遊戲功德。三、為觀本所作。四、為受用聖財。

- 過去九者→謂：從第二剎那以去，成就過去-初剎那時，已起-滅者，餘如前說。

復依有尋有伺定-無學智現在前			
	過去	現在	未來
正見			○
正智	○	○	○
正解脫	○	○	○
正思維	○	○	○
正語	○	○	○
正業	○	○	○
正命	○	○	○
正精進	○	○	○
正念	○	○	○
正定	○	○	○

彼滅已-不失。若依無尋無伺定-無學智-現在前：過去九、未來十、現在八。

此中…

- 無尋無伺定者→謂：後三靜慮，不說靜慮中間，義如前說。
- 現在八者→除正思惟，彼無尋故，餘如前說。

依無尋無伺定-無學智現在前			
	過去	現在	未來
正見			○
正智	○	○	○
正解脫	○	○	○
正思維	○		○
正語	○	○	○
正業	○	○	○
正命	○	○	○
正精進	○	○	○
正念	○	○	○
正定	○	○	○

彼滅已-不失。若依無色定-無學智-現在前：過去九，未來十，現在五。

此中…

- 無色定者→謂：前三無色定，不說第四，義如前說。
- 現在五者→除正思惟，正語、業、命，彼地無故，餘如前說。

依無色定-無學智現在前			
	過去	現在	未來
正見			○
正智	○	○	○
正解脫	○	○	○
正思維	○		○
正語	○		○
正業	○		○
正命	○		○
正精進	○	○	○
正念	○	○	○
正定	○	○	○

彼滅已-不失。若入滅定，或世俗心-現在前：過去九，未來十，現在無。

此中…

- 入滅定者→謂：住滅受想定。
- 世俗心者→謂：出滅定有漏定心，或復起餘有漏定心。
- 過去九者→謂：前最初所起-有尋有伺定九支。
- 未來十者→即彼初時所修十支。
- 現在無者→爾時聖道-不現前故。

入滅定或世俗心現在前 1			
	過去	現在	未來
正見			○
正智	○		○
正解脫	○		○
正思維	○		○
正語	○		○
正業	○		○
正命	○		○
正精進	○		○
正念	○		○
正定	○		○

彼滅已-不失。若依有尋有伺定-初無學見-現在前：過去、現在九，未來十。

此中…

- 初無學見者→調：無學正見。
- 過去九者→調：初所起有尋有伺定-無學智，俱生聚九支。
- 現在九者→調：除正智，以見與智不俱起故。
- 未來十者→是先初智及今初見所修十支，餘如前說。

依有尋有伺定-初無學見現在前			
	過去	現在	未來
正見		○	○
正智	○		○
正解脫	○	○	○
正思維	○	○	○
正語	○	○	○
正業	○	○	○
正命	○	○	○
正精進	○	○	○
正念	○	○	○
正定	○	○	○

彼滅已-不失。若復依有尋有伺定-無學-若智、若見-現在前：過去、未來十，現在九。

此中…

- 若智者→盡、無生智，隨一。
- 若見者→無學正見。
- 過去十者→調：前初智、初見，俱生聚十支。
- 未來十者→即彼所修。
- 現在九者→智時-除見，見時-除智，餘九支，餘如前說。

復依有尋有伺定-無學-若智、若見現在前			
	過去	現在	未來
正見	○	○	○
正智	○	○	○
正解脫	○	○	○
正思維	○	○	○
正語	○	○	○
正業	○	○	○
正命	○	○	○
正精進	○	○	○
正念	○	○	○
正定	○	○	○

彼滅已-不失。若依無尋無伺定-若智、若見-現在前：過去、未來十，現在八。

此中…

- 現在八者→除正思惟，智、見隨一，餘八支。餘如前說。

依無尋無伺定-若智、若見現在前			
	過去	現在	未來
正見	○	○	○
正智	○	○	○
正解脫	○	○	○
正思維	○		○
正語	○	○	○
正業	○	○	○
正命	○	○	○
正精進	○	○	○
正念	○	○	○
正定	○	○	○

彼滅已-不失。若依無色定-無學-若智、若見-現在前：過去、未來十，現在五。  
此中…

- 現在五者→除正思惟、正語、業、命，智、見隨一，餘五支。餘如前說。

依無色定-無學-若智、若見現在前			
	過去	現在	未來
正見	○	○	○
正智	○	○	○
正解脫	○	○	○
正思維	○		○
正語	○		○
正業	○		○
正命	○		○
正精進	○	○	○
正念	○	○	○
正定	○	○	○

彼滅已-不失。若入滅定，或世俗心-現在前：過去、未來十，現在無。  
此中…

- 過去、未來十者→是前初智、初見時，所起、所修十支。餘如前說。

入滅定或世俗心現在前 2			
	過去	現在	未來
正見	○		○
正智	○		○
正解脫	○		○
正思維	○		○
正語	○		○
正業	○		○
正命	○		○
正精進	○		○
正念	○		○
正定	○		○

若依無尋無伺定-初無學智-現在前：過去無，未來十，現在八。  
此中…

- 初無學智-現在前者→謂：盡智。
- 過去無者→初剎那時，未有一念已生滅故；設已生滅，三緣捨故。
- 未來十者→謂：即初時，具修未來無學十支。
- 現在八者→除正思惟及正見。餘如前說。

依無尋無伺定-初無學智現在前			
	過去	現在	未來
正見			○
正智		○	○

正解脫		○	○
正思維			○
正語		○	○
正業		○	○
正命		○	○
正精進		○	○
正念		○	○
正定		○	○

彼滅已-不失。若復依無尋無伺定-無學智-現在前：過去、現在八，未來十。

此中…

- 無學智-現在前者→謂：盡、無生智，隨一。餘如前說。

復依無尋無伺定-無學智現在前			
	過去	現在	未來
正見			○
正智		○	○
正解脫		○	○
正思維			○
正語		○	○
正業		○	○
正命		○	○
正精進		○	○
正念		○	○
正定		○	○

彼滅已-不失。若依無色定-無學智-現在前：過去八，未來十，現在五。

此中…

- 過去八者→謂：前無尋無伺定-初無學智，俱生聚八支。餘如前說。

依無色定-無學智現在前			
	過去	現在	未來
正見			○
正智	○	○	○
正解脫	○	○	○
正思維			○
正語	○		○
正業	○		○
正命	○		○
正精進	○	○	○
正念	○	○	○
正定	○	○	○

彼滅已-不失。若入滅定，或世俗心-現在前：過去八，未來十，現在無。

此中…

- 過去八者→謂：初智，俱生聚八支，餘如前說。

入滅定或世俗心現在前			
	過去	現在	未來
正見			○
正智	○		○
正解脫	○		○
正思維			○
正語	○		○
正業	○		○
正命	○		○
正精進	○		○
正念	○		○
正定	○		○



彼滅已-不失。若依有尋有伺定-無學智-現在前：過去八，未來十，現在九。

此中…

- 現在九者→謂：除正見。餘如前說。

依有尋有伺定-無學智現在前			
	過去	現在	未來
正見			○
正智	○	○	○
正解脫	○	○	○
正思維		○	○
正語	○	○	○
正業	○	○	○
正命	○	○	○
正精進	○	○	○
正念	○	○	○
正定	○	○	○

彼滅已-不失。若依無尋無伺定-初無學見-現在前：過去、現在八，未來十。

此中…

- 初無學見-現在前者→謂：無學正見。
- 過去八者→謂：初智，俱生聚八支。
- 未來十者→謂：前初智及今初見，所修十支。餘如前說。

依無尋無伺定-初無學見現在前			
	過去	現在	未來
正見		○	○
正智	○		○
正解脫	○	○	○
正思維			○
正語	○	○	○
正業	○	○	○
正命	○	○	○
正精進	○	○	○
正念	○	○	○
正定	○	○	○

彼滅已-不失。若復依無尋無伺定，展轉…乃至若依有尋有伺定-無學-若智、若見-現在前等，皆隨所應，准前應說。

若依無色定-初無學智-現在前：過去無，未來十，現在五。

此中…

- 初無學智-現在前者→謂：盡智。
- 過去無者→初剎那時，未有一念已生滅故；設已生滅，三緣捨故。
- 未來十者→謂：即初時，具修未來無學十支。
- 現在五者→除正思惟、正語、業、命及正見，餘如前說。

依無色定-初無學智現在前			
	過去	現在	未來
正見			○
正智		○	○
正解脫		○	○
正思維			○
正語			○
正業			○
正命			○
正精進		○	○

正念		○	○
正定		○	○

彼滅已-不失。若復依無色定-無學智-現在前：過去、現在五，未來十。

此中…

- 無學智-現在前者→謂：盡、無生智，隨一。
- 未來十者→謂：初智時，所修十支，餘如前說。

復依無色定-無學智現在前			
	過去	現在	未來
正見			○
正智	○	○	○
正解脫	○	○	○
正思維			○
正語			○
正業			○
正命			○
正精進	○	○	○
正念	○	○	○
正定	○	○	○

彼滅已-不失。若入滅定，或世俗心-現在前：過去五，未來十，現在無。

此中…

- 過去五者→謂：初智，俱生聚五支，餘如前說，彼滅已-不失。

入滅定或世俗心現在前			
	過去	現在	未來
正見			○
正智	○		○
正解脫	○		○
正思維			○
正語			○
正業			○
正命			○
正精進	○		○
正念	○		○
正定	○		○

若依有尋有伺定…乃至若依無尋無伺定-無學智-現在前等，皆隨所應，准前應說。

若依無色定-初無學見-現在前：過去、現在五，未來十。

此中…

- 初無學見現在前者→謂：無學正見。
- 過去五者→謂：前初智，俱生聚五支。
- 未來十者→謂：前初智及今初見所修未來十支。

依無色定-初無學見現在前			
	過去	現在	未來
正見		○	○
正智	○		○
正解脫	○	○	○
正思維			○
正語			○
正業			○
正命			○
正精進	○	○	○
正念	○	○	○

正定	○	○	○
----	---	---	---

彼滅已-不失。若復依無色定-無學-若智、若見-現在前：過去六，未來十，現在五。

此中…

- 過去六者→謂：前初智，俱生聚五支；及前初見，俱生聚五支，合為六。  
餘如前說。

復依無色定-無學-若智、若見現在前			
	過去	現在	未來
正見	○	○	○
正智	○		○
正解脫	○	○	○
正思維			○
正語			○
正業			○
正命			○
正精進	○	○	○
正念	○	○	○
正定	○	○	○

彼滅已-不失。若入滅定或世俗心-現在前，**展轉**…乃至若依無尋無伺定-無學-若智、若見-現在前等，皆隨所應，准前應說。

此中…

一切過去、未來，皆說最初起及修者，**不說**後位所起、所修；現在，隨起現前者說，所說無學亦通一切，**非**唯次第遍入定者。

問：何故得學果時，見為無間道，見為解脫道；得無學果時，見為無間道，智為解脫道耶？

答：無學果位，所應作業**一切已辦**，加行**止息**，**不復**尋求，故**不名**見；學果不爾，故**得**見名。

問：何故無學位，初說智，後說見；學位，初、後，皆說見耶？

答：無學位，初**必起盡智**，故**初**說智；後若更起勝功德時，亦有推度，故後說見。

學位，先起**苦法智忍**，唯見-非智，故**初**說見；後**無漏智所作未辦**，推度**不息**，亦得見名。故後說見。